

O le Aso Fanau Taufaafofo o Ingrid

Saunia e Maryssa Dennis

Mekasini a le Ekalesia
E faavae i se tala moni

“O mai ia Keriso, ma taofimau i meaalofo lelei uma” (Moronae 10:30).

“Estas son las Mañanitas . . .”

O le leo o le pesepesega a Mama na fafagu ai i luga Ingrid. Sa tatala ona mata ma iloa atu Mama o loo sau i lona potu. E masani ona peseina e Mama lana pese aso fanau faapitoa i lona aso fanau.



Na o mai uo a Ingrid mai le aoga ma le Peraimeri. Sa latou taaalo ni taaloga ma ai le keke. Ona oo mai lea o le vaega e sili ona fiafia iai Ingrid - meaalofo! Sa maua sana tusi fou, o se taika faatumu i vavae, ma se taulima matagofie.

Ina ua o ese uma tagata, sa fusi e Ingrid lona tina. “Faa-fetai lava, Mama. O se aso fanau silisili ona manaia lena!”

“E le i faapea ua uma,” na fai mai ai Mama. “E i ai la’u mea faapitoa e ofo ai mo oe.” Na ia tuuina atu ia Ingrid se fasipepa. Na faapea mai, “O le taimi e moe ai!”

“O se faailoga,” na fai mai ai Mama. ‘E tatau ona e sailia le isi e sosoo ai.”

Sa faavave atu Ingrid i le potumoe. Sa ia maua ai le isi fasipepa i lalo o lona aluga. Na faapea mai, “Aso o tagamea.”

Sa tamoe atu Ingrid i le umukuka ma tatala le masini tamea. O le isi faailoga!

Sa maua e Ingrid isi faailoga i tua o le TV, i totonu o lana tusi e fiafia iai, ma i lalo o le fala o le fale-taele. O le faailoga mulimuli na taitaiina atu ai o ia i lana kapoti. I luga o le fatatusi sa iai se pusa ua uma ona affi. E le au iai Ingrid, o lea sa tuu ifo ai i lalo e Mama. Na sasae ese e Ingrid le pepa ma sii

i luga le tapuni. I totonu o le pusa sa iai se ie paepae ua gaugau ma le kopi lapoa o le Tusi a Mamona.

“O le tausaga lea, o le a e papatiso ai,” na fai mai ai Mama. “O se meaalofo faapitoa lenei e fesoasoani e te saunia ai.” Sa tago atu Mama i le ie paepae. “O le ie lea o le a ou faaogaina e fai ai lou ofu papatiso. Ma lenei”—sa ia sii ae i luga le Tusi a Mamona—“e mo oe e faitau ai.”

Sa vaai a’e Ingrid ia Mama. “Ou te le i faitauina lava le Tusi a Mamona.”

“Ou te iloa e mafai ona e faia.” Sa tatala e Mama le tusi. “Vaai. E lapopoa atu mataitusi. Sa ou mafaufau faapea o le a faigofie ai.”



Sa toe tapuni e Mama le tusi ma tuuina atu ia Ingrid. Sa faasolo e Ingrid ona tamatamailima i luga o le faavaa lamolemole.

“E taua lou saili mo oe lava pe moni le Tusi a Mamona,” sa fai mai ai Mama. “Ou te folafola atu pe afai e te faitau ma tatalo ma lou loto atoa, o le a fesoasoani le Tama Faalelagi ia te oe e iloa ai.”

I lena po sa faitau ai e Ingrid le mataupu muamua o le Tusi a Mamona. E le faigata tele e pei ona sa ia manatu ai. Sa fiafia o ia e faitauina tusitusiga paia.

Sa ia toe faitau lana Tusi a Mamona i le aso na sosoo ai. Ma le isi aso. Sa ia faitauina i aso uma. Ina ua tuana'i ni nai vaiaso, sa ia manatu e le manao e faatali seia oo i le faaiuga o le tusi ona tatalo ai lea.

Sa tootuli ifo Ingrid i tafatafa o lona moega. Sa tatalo atu ma lona loto atoa ma augani atu i le Tama Faalelagi e fesoasoani mai ia te ia ina ia iloa e moni le Tusi a Mamona. Ona ia faatali lea. Sa ia manatu o le a ia lagona se leo, ae sa leai. Ae peitai, o se lagona fiafia na tupu ae i lona loto. Sa ia iloa na faafogaina e le Tama Faalelagi lana tatalo.

Toetiiti o le tausaga ua mavae, ae ua uma ona faitauina e Ingrid le Tusi a Mamona. Na ia iloa poo le a lava le mea o le a ia maua mo lona aso fanau lona valu, o le Tusi a Mamona o le avefaa pea ma meaalofo silisili lava. ● *O lenei tala na tupu i Mekisiko. Sue i le itulau e US e aoao atili ai e uiga i lena atunuu!*



“Manuia le Aso Fanau!” Na fai atu ai Mama. “Sei tatou sauni mo lau pati.”

Na mafai e Ingrid ona sogi le manogi o se keke sukalati o tao i le ogaumu. “Ou te mate poo a meaalofo o le a ou maua!” sa ia mafaufau ai. Sa ia ae ese mai le moega ma autilo atu i fafo o le faamalama.

Sa faatumulia le laau o le jacaranda i fafo i fugalaau viole.

Na fesoasoani Ingrid e tulei le sofa i le potu o Mama ma ua tele ai le avanoa i le potu malolo. Sa ia fesoasoani e teuteu le keke ma tui moligao e fitu i ona luga. Toetiiti ae oo mai le taimi mo le pati!



ATA NA TUSIA E ALYSSA TALENT